



შირაქი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის გაზეთი

№34 (9.748)

3-10 სექტემბერი 2016 წელი

ფასი: 50 თეთრი

ყოველკვირეული გამოცემა

დიმიტრი
ქუმსიშვილი –
საქართველოში
არსებული
სასტუმროების
პრაქტიკულად
ნახევარი
"ქართული
ოცნების"
ხელისუფლების
პირობებში
შეიქმნა

მმ.2

გამგებულმა
დასრულებული
ინფრასტრუქტურული
სამუშაოები
დაათვალიერა




სტარტაკ
საქართველო

ინოვაციური ბიზნესის ხელშეწყობის პროგრამა


მმ. 3

„სტარტაკ
საქართველო“
არის პროექტი,
როგელიც
საქართველოს
შეცვლის



მმ. 5


ქარსაზარ
ზოლებზე
წლების
განმავლობაში
ვეუშაობდი



ემიგრანტის
დიდგობი

მმ.8

ბანაკის დღიურები



ე უ რ ა დ ლ ე ბ ა !

საქართველოს საარჩევნო კოდექსის მუხლი 50.2-4-ით განსაზღვრული მოთხოვნების შესაბამისად, წინასწარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 8 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

გამგებელმა დასრულებული ინფრასტრუქტურული სამუშაოები დაათვალიერა

1 სექტემბერს დედოფლისწყაროს მუნიციპალიტეტის გამგებელმა ნიკოლოზ ჯანიაშვილმა ადგილობრივი ხელისუფლების სხვა წარმომადგენლებთან ერთად სოფელ სამრეკლოში დასრულებული ინფრასტრუქტურული სამუშაოები დაათვალიერა და ადგილობრივ მოსახლეობას შეხვდა.

სოფელ სამრეკლოში ახალი გზა დაიგო მე-10 და მე-11 ქუჩებზე, ხოლო მე-2 ქუჩაზე დამონტაჟდა გარე განათების სისტემა. „ჩვენ დავპირდით ამ ქუჩების მაცხოვრებლებს, რომ აუცილებლად გავუკეთებდით გზას, გარე განათებას და ჩვენ ეს დაპირება შევასრულეთ. მიხარია, რომ მოსახლეობა კმა-

ყოფილია და მადლიერებას გამოთქვამს გაკეთებული ინფრასტრუქტურული სამუშაოების გამო“ - განაცხადა ნიკოლოზ ჯანიაშვილმა.

„ჩვენს ქუჩაზე გზა ამ ზაფხულს დაიგო და ძალიან კმაყოფილები ვართ. 70 წელია, ჩემი მშობლები აქ ცხოვრობენ და ამ ხნის მანძილზე ჩვენ მოასფალტებული გზა უბანში არ გვქონია, ეს გზა არ გაკეთებულა არც კომუნისტების დროს და არც წინა მთავრობის დროს. დიას, უბნის მოსახლეობა მადლიერნი ვართ ხელისუფლების, ჩვენი გამგებლის, რომ ძალ-ღონეს არ იშურებენ და ასეთ დიდ ყურადღებას გვაქცევენ. გვინდა აღვნიშნოთ, რომ მუშებმა ძალიან კარგად მუშაობდნენ“ - განაცხადა მე-11 უბნის მცხოვრებმა მაია ლეკაშვილმა.

სამრეკლოელი გულო იაკობიშვილი აცხადებს, რომ მისი უბანი ძლივს გამოცოცხლდა: „აღრე აქ მანქანებიც კი ნაკლებად მოძრაობდნენ, რადგან გზა საშინელ პირობებში იყო. უბანში



პროდუქტის ჩამოტარებასაც კი ერიდებოდნენ, ახლა ეს უბანი სატრანსპორტო გახდა. როგორც ამბობენ, ერთ დღეს ქვეყანა არ აშენებულა, მაგრამ ამ ხელისუფლებამ ის გააკეთა, რასაც დაგვირდა და იმედი მაქვს, რომ ჩვენი სოფელი კიდევ უფრო განათდება და გალამაზდება“.

სოფლის სხვა მაცხოვრებლებმა იმედი გამოთქვეს, რომ რეაბილიტირებული ქუჩების ბედს სხვა ქუჩებიც გაიზიარებს. გამგებლის განცხადებით, მთელი მუნიციპალიტეტის მასშტაბით, ინფრასტრუქტურული სამუშაოები კვლავ გაგრძელდება და სოფელში ცხოვრება გაცილებით მიმზიდველი გახდება.



„სტარტაპ საქართველო“ არის პროექტი, როგორც საქართველოს უცვლელის

ის, რომ თქვენი გამარჯვების სიმბოლო არის ფილმ „შერეკილების“ ძალიან ცნობილი საფრენი აპარატი, სწორედ იმაზე მეტყველებს, რომ არც ერთი იდეის არ უნდა შეგეშინდეთ, - ამ სიტყვებით მიმართა საქართველოს პრემიერ-მინისტრმა გიორგი კვიციანიშვილმა პროგრამა „სტარტაპ საქართველოს“ ინოვაციური კომპონენტის 36 გამარჯვებულს, რომლებიც დაჯილდოვდნენ.

მთავრობის მეთაური მოხარულია, რომ ქვეყანაში სამეწარმეო სულისკვეთების განვითარების იდეას ხორცი შეესხა და კიდევ 36 დამწყები ბიზნესმენი დაფინანსდა, ხოლო, „სტარტაპ საქართველოს“ მაღალტექნოლოგიურ კომპონენტს 20 გამარჯვებული ჰყავს.

„ეს არის ჩემთვის პირადად ყველაზე მნიშვნელოვანი პროექტი, ყველაზე მნიშვნელოვანი საქმე, თუკი რამ

წამომიწყია ცხოვრებაში და წამდვილად შეამყებია, რომ საქართველოში დღეს არის საშუალება, ადამიანმა წულიდან, მართლაც არაფრიდან, მხოლოდ საინტერესო იდეაზე დაყრდნობით დაიწყოს ბიზნესი. ძალიან მახარებს, რომ საქართველოში უკვე შეიქმნა და ფუნქციონირებს ეკოსისტემა, სადაც ახალი, ინოვაციური იდეები ხორცს იხამს“, - განაცხადა პრემიერ-მინისტრმა.

გიორგი კვიციანიშვილის თქმით, დამწყები ბიზნესის ხელშეწყობა ეს მთავრობის ოთხპუნქტიანი რეფორმის ერთ-ერთი უმნიშვნელოვანესი მიმართულებაა. პრემიერმა მადლობა გადაუხადა საპარტნიორო ფონდს, ეკონომიკის სამინისტროს და ყველა ადამიანს, რომელთა მეშვეობით, ეს სისტემა ძალიან მოკლე პერიოდში ჩამოყალიბდა. მთავრობის მეთაურმა ასევე გამარჯვება მიულოცა

ყველა გამარჯვებულ დამწყებ ბიზნესმენს, ხოლო მათ, ვინც დაფინანსება ამ ეტაპზე ვერ მოიპოვა, წარმატებები უსურვა.

„მინდა, ნავახალისო ყველა, ვინც ამ ეტაპზე ვერ მოიპოვა დაფინანსება, მინდა გითხრათ, არასოდეს გაჩერდეთ. ის, რომ თქვენი გამარჯვების სიმბოლო არის ფილმ „შერეკილების“ ძალიან ცნობილი საფრენი აპარატი, სწორედ იმაზე მეტყველებს, რომ არც ერთი იდეის არ უნდა შეგეშინდეთ. არასოდეს უნდა იფიქროთ, გადადგათ თუ არა ნაბიჯი წინ. არასოდეს იფიქროთ, ვინმეს ხომ არ აქვს ასეთი გაკეთებული - როგორც კი მოგივთ საინტერესო იდეა, ყოველთვის გადადგით პირველი ნაბიჯი და ის აუცილებლად გაამართლებს. თუ პირველი არა, მეათე გაამართლებს. დარწმუნებული ვარ, ეს არის პროექტი, რომელიც საქართველოს შეცვლის, რომელიც თვის-



ობრივად ახალ ეკონომიკის მიმართულებას გააჩენს ქვეყანაში და ამ პროექტის მხარდაჭერა აუცილებლად გაგრძელდება. მინიმუმ ათწლეულის საჭირო, რომ ამ მიმართულების ნახალისებამ თვისობრივი, ხარისხობრივი ცვლილებები შეიტანოს ქვეყნის ეკონომიკის სტრუქტურაში და ჩვენ წამდვილად მონოდებული ვართ, ეს მიმარ-

თულება გავაძლიეროთ“, - განაცხადა პრემიერ-მინისტრმა და აღნიშნა, რომ სამომავლოდ, პროექტის ბიუჯეტის გაზრდაც იგეგმება.

„სტარტაპ საქართველოს“ ჯამში, 56 გამარჯვებული ჰყავს. კონკურსის შემდგომი ეტაპი, დაფინანსების მოპოვებისთვის, 20 სექტემბრიდან გამოცხადდება.

ღვინის კერძო კომპანიები ყურძნის ჩაბარებას მომდევნო კვირიდან დაიწყებენ



რთველის საკოორდინაციო შტაბის ინფორმაციით, კახეთში რთველი აქტიურ ფაზაში მომდევნო კვირიდან შევა. ამ დროისთვის გლეხებისგან ყურძენს წნორსა და დედოფლისწყაროში მდებარე სახელმწიფო სანარმოები იბარებენ, კერძო კომპანიები და ყურძნის მიღებას მომავალი კვირი-

დან დაიწყებენ.

„ყურძენს ამ დროისთვის სულ 14 სანარმო ამუშავენ, აქედან სამი სახელმწიფო სანარმოა, დანარჩენი - კერძო კომპანიები. კერძო კომპანიები ძირითადად ან თავიანთ ყურძენს ამუშავენ, ან წინასწარ თუ იყვნენ შეთანხმებული რომელიმე მევენახესთან, მათგან ყიდულობენ, ნებისმიერი პირისგან ჯერ არ იბარებენ ყურძენს. კომპანიები უკვე ემზადებიან ტექნიკურად და მომავალი კვირიდან აქტიურ ფაზაში შევა რთველი“, - განაცხადა რთველის საკოორდინაციო შტაბში.

მათივე ცნობით, ყურძენზე ფასები არ შეცვლილა და მევენახე სუბსიდიის ჩათვლით კილოგრამ რქანითელში 80

თეთრს, ხოლო საფერავში 1 ლარს იღებს, აქედან სუბსიდიის თანხა რქანითელის შემთხვევაში 45 თეთრია, საფერავზე კი 20 თეთრი.

დღეისთვის რთველის საკოორდინაციო შტაბში ყურძნის ჩაბარების მსურველი 60 კომპანიაა დარეგისტრირებული. სოფლის მეურნეობის სამინისტროს ინფორმაციით, რთველის პროცესში წელს 100-მდე ღვინის კომპანია ჩაერთვება.

ოფიციალური მონაცემებით, ამ დროისთვის ღვინის კომპანიების მიერ 5 067 ტონა ყურძენია გადამამუშავებული, საიდანაც 1 716 ტონა რქანითელია, 2 095 ტონა საფერავი, 261 ტონა კახური მწვანე, დანარჩენი კი სხვადასხვა ჯიშის ყურძენი.

მულტიკულტურული საზაფხულო ბანაკი სპექტრი



როგორც ყველა დედოფლისწულს, მეც ჩემებურად და გამორჩეულად მიყვარს ჩვენი პატარა ქალაქი - დედოფლისწყარო. ყოველთვის განსაკუთრებულ პასუხისმგებლობას ვგრძნობ მშობლიური ქალაქისა და ჩემი ხალხის წინაშე. ერთი მხრივ, მაღლიერების, მეორე მხრივ, უდიდესი სიყვარულის ერთგვარი გამოხატულებაა ის, რომ ყოველთვის ვცდილობ, ჩემი ცოდნა, გამოცდილება და ენერჯია ადგილობრივი თემის განვითარებას მოვასხმარო, ჩემი მცირედი ნვლილი შევიტანო საზოგადო საქმეში და უბრალოდ გავაკეთო რაიმე სასარგებლო, რაც ჩემს გარემომცვეთა ცხოვრებას უკეთესობისკენ შეცვლის, თუნდაც სულ მცირე დოზით. ამგვარად, სურვილი ბადებს იდეას, მე კი გამუდმებით ვეძებ გზებს ამ იდეების რეალიზებისთვის.

საზოგადოებრივი აქტივობებისთვის ყველაზე მეტი დრო ზაფხულში მრჩება, ამიტომ ყოველთვის მოუთმენლად ველი მის დადგომას. ძალიან მინდოდა, წლევიანდელი ზაფხული კიდევ უფრო განსაკუთრებული და დაუფინყარი ყოფილიყო. ბევრი ვიფიქრეთ მე და ჩემმა მეგობრებმა, რა სახის პროექტი განგვეხორციელებინა ამჯერად. გეჭირდებოდა რაღაც ისეთი, რაც ზაფხულის ფერად დაღვას კიდევ უფრო შინაარსიანსა და მრავალფეროვანს გახდიდა... ასე დაიბადა საზაფხულო ბანაკის იდეა, რომელმაც ჩვენი გონებიდან ფურცლებზე გადაინაცვლა, ფურცლებიდან კი რეალობაში. საზაფხულო ბანაკს „სპექტრი“ ვუწოდებთ, ალბათ იმიტომ, რომ

ძალიან გვინდოდა, დედოფლისწყაროელი ახალგაზრდებისთვის ზაფხულის დღეები კიდევ უფრო გაგვეფერადებინა და 7 ერთმანეთისგან სრულიად განსხვავებული და დაუფინყარი დღე გვეჩუქებინა. ვფიქრობ, გამოგვივიდა კიდევ მოდი, შევაჯამოთ თითოეულ დღეს განვითარებული მოვლენები.

პირველ დღეს ყოველთვის თანახლავს სტრესი, დაძაბულობა და ნერვიულობა. მეც ათასგვარი ფიქრი მიტრიალებდა თავში, თუმცა, საბედნიეროდ, ყველაფერმა კარგად ჩაიარა. მონაწილეებმა პირველივე დღეს მოახერხეს ჩვენი გაოცება თავიანთი მრავალმხრივი ნიჭითა და ენთუზიაზმით. პროგრამას რაც შეეხება, ძირითადი აქცენტები გავაკეთეთ ლიდერული და გუნდური მუშაობის უნარ-ჩვევების გაღრმავებაზე. მონაწილეები დავყავით გუნდებად და მივეცით სხვადასხვა სახის დავალებები, რომლებსაც არჩევულებრივად გაართვეს თავი. დღის ბოლოს კი გავმართეთ ბანაკის პრეზიდენტის არჩევნები. თითოეულმა გუნდმა წარმოადგინა თავისი კანდიდატი, რომელიც აუდიტორიის წინაშე წარსდგა საარჩევნო პროგრამით. ძალიან საინტერესო იყო მათი იდეების მოსმენა ბანაკთან დაკავშირებულ სხვადასხვა საკითხზე და მოვლენების შეფასება მათი პერსპექტივიდან. ხმათა უმრავლესობით ბანაკის პრეზიდენტად არჩეულ იქნა ანა დავითაშვილი.

მეორე დღე მთლიანად დაეთმო ჯანსაღი ცხოვრების წესის თემატიკას. მონაწილეებს აღნიშნულ თემაზე ესაუბრა მონწილეული სტუმარი - ექიმ-პროფილაქტიკოსი ქეთევან ბოსტაშვილი. მან ყურადღება გაამახვილა იმ საკითხებზე, რომელთა ცოდნა მოზარდებისთვის ამ ასაკში განსაკუთრებით მნიშვნელოვანია. ქალბატონი ქეთი არა მხოლოდ თავისი საქმის პროფესიონალი, არამედ არჩევულებრივი მოსაუბრეა. მან თბილი და მეგობრული ატმოსფერო შექმნა, რომ

მელშიც ყველამ კომფორტულად იგრძნო თავი და მაქსიმალურად გაიხსნა. ამ ძალზე ინფორმატიული სესიის შემდეგ კიდევ უფრო საინტერესო ფაქტი მოხდა. ბანაკში გვეწვივნენ სასწრაფო დახმარების ექიმები, რომლებმაც ისაუბრეს პირველადი დახმარების აღმოჩენის თაობაზე სხვადასხვა სიტუაციაში, მეტად სასარგებლო რჩევებიც მისცეს მონაწილეებს და უპასუხეს მათ შეკითხვებს. დღის მეორე ნახევარში უკვე ფიზიკური აქტივობების ჯერი დადგა და გადავინაცვლეთ სპორტისა და ახალგაზრდობის საქმეთა ცენტრში. ჩვენმა მშვიდობის კორპუსის მოხალისემ მონაწილეებს ვარჯიშების სხვადასხვა ტიპი წარუდგინა, ისაუბრა მათ დანიშნულებასა და სარგებელზე, დღის ბოლოს კი გავმართეთ შეჯიბრი სპორტის სხვადასხვა სახეობაში. ნაყოფიერი დღე გვექონდა, მართლაც.

მომდევნო დღე მიეძღვნა ეკოლოგიის თემას. ვესტუმრეთ ვაშლოვანის დაცული ტერიტორიების ადმინისტრაციულ ოფისს, სადაც მოვისმინეთ თეიმურაზ პოპიაშვილის ლექცია მგლების შესახებ. ბევრი საინტერესო რამ ვისწავლეთ და მცდარი წარმოდგენებიც დავამსხვრეთ. პრეზენტაციის შემდგომ ადგილობრივმა თანამშრომლებმა ექსკურსია მოგვინყვეს. მოგვიანებით ასევე ვნახეთ ფილმი ვაშლოვანის დაცული ტერიტორიების შესახებ. სამწუხაროა, თუმცა რეალობაა, რომ დედოფლისწყაროს მცხოვრებთა უმეტესობა არ იცნობს საკუთარ ქალაქს, არაა აღფრთოვანებული მისი მნიშვნელობის ღირსშესანიშნაობებით, რომლებიც სწორედ ჩვენი რაიონის ტერიტორიაზე მდებარეობს. მიხარია, რომ ჩვენმა პროექტმა საშუალება მისცა ახალგაზრდების ნაწილს, უკეთ გაეცნო მშობლიური ქალაქი და უკეთ გაეცნობიერებინა მისი მნიშვნელობა. დღის მეორე ნახევარი ძირითადად დაეთმო მონაწილეთა ცნობიერების ამაღლებას ნარჩენების მართვასთან დაკავშირებით. ბავშვებმა გამოუსადეგი ნივთებისა და მაკულატურისაგან დაამზადეს უნიკალური ნაკეთობები, ჩასაცმელი და სხვადასხვა აქსესუარი. საოცარი კრეატივი და მოზღვავებული ემოცია - დღე არჩევულებრივად დამთავრდა.

მეოთხე დღეს სპექტრის საზაფხულო ბანაკის რაზმი სრული შემადგენლობით ელიის მთისკენ გაემართა, სადაც მამულები დასუფთავების აქცია მოვწყვეთ. ერთობლივი ძალებით გავწმინდეთ ელიის მიმდებარე ტერიტორია და დავტოვეთ პოსტერები სხვადასხვა ლოზუნგით, რომლებიც გამვლელს მოუწოდებს, გაუფრთხილდნენ ბუნებას და არ დააბინძურონ გარემო. ამ დღეს ყველა გამორჩეულად ბედნიერი და კმაყოფილი იყო, ჩვენ ხომ ერთობლივი ძალებით არცთუ უმნიშვნელო საქმე გავაკეთეთ...

მეხუთე დღეს კიდევ ერთ მნიშვნელოვან ამოცანას შევეჭვიდეთ, კარიერის დაკავშირებული სამომავლო გეგმების დასახვა ვცადეთ. ამაში ჩვენი მონწილეული სტუმარი, წარმატებული ბიზნესმენი - ბექა გონაშვილი დაგვიხმარა. მან მონაწილეებს გაუზიარა თავისი გამოცდილება და მისცა სასარგებლო რჩევები, რომლებიც მათ აუცილებლად

ბლად დაეხმარება წარმატების მიღწევაში. ბექასგან ასევე მივიღეთ ძალიან საინტერესო ბიზნეს-წინადადება, რომელსაც აუცილებლად განვავითარებთ უახლოეს მომავალში. დღის მეორე ნახევარში ბანაკის მონაწილეებმა მოისმინეს პრეზენტაცია თემაზე - როგორ ვწეროთ რეზიუმე და მოემზადნენ საქმიანი გასაუბრებისთვის, მოგვიანებით კი გავმართეთ დასაუბრების ფორუმი. აპლიკანტებმა შექმნეს საკუთარი რეზიუმეები და გაიარეს გასაუბრება სხვადასხვა „დამსაქმებელთან“, რომელთა როლში მოგვევლინნენ ბანაკის ლიდერები და აქტივისტები. ჩვენმა გენიოსებმა, რა თქმა უნდა, ამჯერადაც გაგვაოცეს და დაგვარწმუნეს, რომ მზად არიან მომავლისთვის, სათანადო ცოდნითა და უნარებით შეიარაღებული.

დღე მეექვსე - სპექტრის კიდევ ერთი ფერი და კიდევ ერთი ურთულესი ამოცანა... პროექტის წარმატება ყველაზე მეტად სწორედ ამ დღეზეა დამოკიდებული... დადგა ყველაზე საპასუხისმგებლო



მომენტი - პროექტებზე მუშაობის დრო. თავდაპირველად ვიმსჯელებთ დედოფლისწყაროში არსებულ პრობლემებსა და მათი გადაჭრის შესაძლო გზებზე. განვიხილეთ პროექტი, როგორც პრობლემის გადაჭრის ერთ-ერთი გზა. მონაწილეებმა მოისმინეს სემინარი პროექტის დაგეგმვასა და განხორციელებაზე, შემდეგ კი თავად შეუდგნენ მუშაობას და დაგეგმეს პროექტები, რომლებსაც განახორციელებენ უახლოეს მომავალში.

...და აი ისიც, ცოტა სენტიმენტალური, ცოტა ემოციური, თუმცა ყველაზე დასამახსოვრებელი ბოლო დღე. ყველაფერი დასასრულს უახლოვდება. დაღლილ-დაქანცული უკანასკნელ ენერჯიას იკრებ, თუმცა მაინც არ გინდა, რომ დამთავრდეს. ვერ წარმოგიდგენია, რომ დამთავრდება. თუმცა, იქნებ არც მთავრდება და იმიტომ...

რა შეიძლება ითქვას?! მართლაც, დაუფინყარი 7 დღე გავატარე არჩევულებრივ ადამიანებთან ერთად. პირველ რიგში, უზომოდ ამაყი ვარ იმ ადამიანებით, რომლებიც გვერდში მედგნენ მთელი პროექტის განმავლობაში და უდიდესი როლი ითამაშეს მის წარმატებით განხორციელებაში. ასევე მეამაყება პროექტის მონაწილე თითოეული ახალგაზრდა, რომელთაგან უამრავი რამ ვისწავლე და უდიდესი სითბო ვიგრძენი, რომელიც ცხოვრების მანძილზე გამყვება.

ბანაკის დღეები ამოიწურა, თუმცა ბავშვებს თან მიაქვთ ის ცოდნა და გამოცდილება, რომელიც ამ დღეების განმავლობაში მიიღეს უფროსი მეგობრებისა და თანატოლებისაგან და რომელსაც აუცილებლად გამოიყენებენ საკუთარი თავისა და ქვეყნის სასიკეთოდ. ის ენერჯია, რომელსაც ჩვენ ერთმანეთში ვდებთ, ერთმანეთს უუნაწილებთ, არასოდეს იკარგება. ბანაკი „სპექტრი“ სპექტრულების სახით აგრძელებს არსებობას. ვფიქრობ, პროექტის მთავარი მიზანი მიღწეულია, დედოფლისწყაროში ახალგაზრდების გუნდი, რომელიც მზად არის, მოახდინოს სასიკეთო ცვლილებები ადგილობრივ თემში და იბრძოდეს უკეთესი მომავლისათვის.



ქარსაფარ ზოლებზე წლების განმავლობაში ვმუშაობდი



მოსავლის აღების შემდეგ, ზაფხულის სეზონზე, დედოფლისწყაროს საქართველოს გარემოსდაცვითი ბუნებრივი რესურსების დაცვის სამინისტროს ბიომრავალფეროვნებისა და სატყეო პოლიტიკის დეპარტამენტის უფროსის მოვალეობის შემსრულებელი კარლო ამირგულაშვილი სამუშაო რეჟიმში ესტუმრა და გარემოს დაცვის მიზნით, საკმაოდ დიდი კამპანია წამოიწყო. მან, მაღალი ემულაციებიდან პირველმა აწარმოა საზოგადოების ხმამაღალი ინფორმირება იმის თაობაზე, რომ ნაკვეთების გადანვა საზიანოა. ეს მეთოდი ნიადაგს ფიტავს და ძალიან აბინძურებს გარემოს, რაც პირდაპირ კავშირშია ადამიანთა ჯანმრთელობასთან.

ამის შესახებ დაინერა სტატიები, გაშუქდა ინფორმაციები სხვადასხვა მედიასა თუ ჟურნალ-გაზეთებში. რამდენად ეფექტური გამოდგა ბატონო კარლო ამირგულაშვილის წამოწყება და იმუშავა, თუ არა მიწვილია ინფორმაციამ მასაზე, რთული სათქმელია, რადგან ნაშვსის და ბალახის ნაშვსი კვლავ უხვად დაფრინავდა გასული წლების მსგავსად დედოფლისწყაროს ირგვლივ, თუმცა, ცალსახად შეგვიძლია ვთქვათ, რომ ნაშვსის რაოდენობამ წელს გაცილებით იკლო, რაც იმის მანიშნებელია, რომ მოსახლეობაში ნელ-ნელა მკვიდრდება კულტურა, ნიადაგის არგანვასთან დაკავშირებით. დედოფლისწყაროს ნაკვეთების გადანვის და სხვა გარემოსდაცვით საკითხებზე „შირაქი“ ბატონო კარლო ამირგულაშვილს დავეუკავშირდა და მასთან ინტერვიუ ჩაწერა.

- ბატონო კარლო, რამდენადაც ვიცო, 1979 წელს კლიმატისადმი მიძღვნილი პირველი მსოფლიო კონფერენცია ჩატარდა,

შემდეგ იყო 1992 წლის 9 მაისი, როდესაც ნიუ-იორკში იქნა მიღებული ახალი ჩარჩო კონვენცია გარემოსდაცვით საკითხებზე, რადგან ბიომრავალფეროვნების დაცვითა და ჯანსაღი საკვების უზრუნველყოფის მიზნით საკვების დაცვის ხარჯი კონვენციაში, რიგით მერამდენე კონვენცია გველოდება ნინ, როდისაა ჩანიშნული ის და რას ითვალისწინებს ჩარჩო კონვენციები საერთოდ, სადაც, როგორც ვიცო მსოფლიოს 150-მდე ქვეყანა ხოლმე ჩართული?

- საქართველო საკმაოდ ბევრ კონვენციასაა მიერთებული და აღებული აქვს ის ვალდებულებები, თუ სარეკომენდაციო ხასიათის შესასრულებელი ქმედებები, რასაც კონვენცია ითვალისწინებს. ამ მხრივ გამოჩენილია ბიომრავალფეროვნების საკითხი. საქართველო აქტიურად მონაწილეობს სამუშაო შეხვედრებში, ანგარიშგებისა, თუ დოკუმენტების შემუშავების პროცესში. რაც შეეხება რიგით მერამდენე კონვენცია გველოდება, რთული სათქმელია, ვინაიდან ეს დამოკიდებულია გლობალურ პროცესზე და ნებაზე.

- რა როლი აკისრია ადამიანს ბუნების გაფრთხილების საქმეშია რამდენად შეუძლია მის კეთილ ნებას გადაარჩინოს გარემო?

- დღესდღეობით ერთ-ერთ ყველაზე დიდ გამოწვევას სწორედ ანთროპოგენული საქმიანობა წარმოადგენს, რომელიც პირდაპირ, თუ ირიბად ახდენს ზეგავლენას გარემოს მდგომარეობაზე. განსაკუთრებით ეს დამოკიდებულია ვლინდება განვითარებად ქვეყნებში, სადაც მოსახლეობის სოფილური ფონი დაბალია და ამის გამო ბუნებრივ რესურსზე დამოკიდებულება მნიშვნელოვანია. ბუნებრივი რესურსების სწორად და რაციონალურად გამოყენება საფუძველს იძლევა შეარბილოს უაყოფიერი ბუნებრივი პროცესების, და ამავდროულად უზრუნველყოს სოციალური და ეკონომიკური ფუნქციები.

- საინტერესოა, მსოფლიოში სადაა ყველაზე მძიმე და კრიზისული მდგომარეობა გარემოს დაცვის კუთხით?

- გარემოს დაცვა ფართო გაგებაა და ვინაიდან მე სატყეო სექტორის წარმომადგენელი ვარ, ჩემს შეხედულებებს ტყესთან დაკავშირებით გავაკეთებ. მსოფლიოში არის ცხელი წერტილები, სადაც ტყის რესურსების გამოყენება არამდგრადი მეთოდებით ხორციელდება, რასაც თავისთავად მოყვება უარყოფითი შედეგები. უკანასკნელი ათწლეულების განმავლობაში მეტად კრიზისული მდგომარეობაა ჩრდილოეთ ამერიკის, აზიისა და სამხრეთ აფრიკის გარკვეულ ქვეყნებში, სადაც ტყის ფართობების პირწმინდა ჭრა მიმდინარეობს, სადაც სასოფლო-სამეურნეო სავარგულებად ჩანაცვლება ხდება. შედეგად, ირღვევა ეკოსისტემა, ნადგურდება ბიომრავალფეროვნება და მრავალი ფაუნისა თუ ფლორის სახეობის საბინადრო ადგილები.

- ჩამოთვალეთ საუკეთესო ქვეყნები, სადაც ბუნების დაცვის კანონი უზენაესია?

- ტყეების მართვის პრაქტიკის, თუ კანონის უზენაესობის მხრივ, ევროპის კონტინენტზე წარმოდგენილი ქვეყნები შეიძლება ყველაზე მონიშნავი ყვეყნების რიცხვს მივაკუთვნოთ. ამ საკითხთან დაკავშირებით შეიძლება გამოვყოთ: გერმანია, ავსტრია, შვეიცარია, სკანდინავიის ქვეყნები.

- რას გვეტყვი საქართველოს შესახებ, სად გვაქვს ყველაზე კრიტიკული მდგომარეობა, ამბობენ სვანეთში უმგული აღარ იქნებაო, მდინარეები და ტბები თანდათან დაშრება, ამის საფუძველი რა არის ყველასთვის ცნობილია, მაგრამ რა უნდა გააკეთოს სახელმწიფომ იმისთვის, რომ საფრთხეები შეამციროს?

- ამაზე პასუხის გაცემა ამ ეტაპზე წარმოუდგენლად მიმაჩნია, ვინაიდან მას ჭირდება კომპლექსური კვლევების ჩატარება. ხოლო, რაც შეეხება ზოგად სვანეთს, აქ ყველაზე მეტად შენახულია ტყე. ზოგადად საქართველოში ტყეზე და ტყის რესურსზე სოფლად მცხოვრები მოსახლეობა მნიშვნელოვნადაა დამოკიდებული, ზოგიერთ ადგილას კი, ტყეს სასიცოცხლო მნიშვნელობაც კი აქვს. აღნიშნულიდან გამომდინარე ზენოლა დიდია. უკანასკნელი ტყეთმონცობის შედეგების მიხედვით, რომელიც ჩატარდა ხარაგაულსა და ბორჯომ-ბაკურიანის სატყეოებში, შემცირებულია რესურსი, შემცირებულია ტყის სისხრივ და ხარისხი. აუცილებელია ალტერნატიული ენერჯის წყაროების გამოყენება, ისეთი როგორიცაა: ბიომასის წარმოება, ენერგოეფექტური საშუალებების დანერგვა. ასევე მნიშვნელოვან პრობლემას წარმოადგენს ცნობიერების ამაღლება.

- რა იტყვი დედოფლისწყაროზე, ნაწინასწარმეტყველებია, რომ გაუდაბნობა გვემუქრება, განვითარებული მოვლენები ცხადყოფენ ამას, თუმცა ადამიანის ხელის ჩარევაც უარესს შვება.

- დედოფლისწყარო შეიძლება ითქვას, რომ ყველაზე მონაცემად აღვიღო საქართველოში, ვინაიდან ნაღველების რაოდენობა ძალიან მცირეა. ამას ემატება პირუტყვის მიერ არამდგრადი და გადამეტებული ძოვება, რაც თავის მხრივ ხელს უშლის მცენარის აღმოცენებას თუ გახარებას. მიუხედავდ იმისა, რომ მცენარეულობას გააჩნია თვითაღდგენის უნარი (სუტეისური პროცესები), მე ვერ ვიტყვი, რომ ადამიანის ჩარევა უარეს შედეგს გამოიწვევს. ეს არის რთული პროცესი, თუმცა მეცნიერული კვლევების საფუძველზე, შესაძლებელია პროცესების ხელშეწყობა. დედოფლისწყაროს მუნიციპალიტეტში მნიშვნელოვანი პრობლემები გვაქვს სასოფლო-სამეურნეო მიწების გადანვასთან დაკავშირებით, რასაც გასულ წელს ჩვენს მიერ აღდგენილი 90 კილომეტრამდე ქარსაფარის ზოლიც კი შეენირა. ამ ეტაპზე, ვმუშაობთ პრობლემების მოგვარების ეფექტურ გზებზე და მუდმივი კომუნიკაცია გვაქვს ფერმერებთან.

- წლების წინ, მე დავამუშავე საგაზეთო თემა, თუ ნიადაგის გადანვა რაოდენ ზიანს აყენებს ნიადაგს და ადამიანებს, ჰაერს, მაშინ ჩემი ძალისა, ერთ-ერთ გარემოსდაცვით საკითხებზე გამოცემულ ნიგნშიც მოხვდა, თუმცა ამას შედეგი არ მოჰყოლია, წლები ეს პრობლემა კვლავ იდგა დღის წესრიგში. ახლა თქვენ გააკეთეთ ინფორმაცია, რომ ეს ყოველად დაუშვებელია, თუმცა, მინდა გითხრათ, რომ მართალია ნაკლებად, მაგრამ მაინც, ფერმერების გარკვეული ნაწილი, როგორც ჩანს, კვლავ განაგრძობს აღებული ყანების გადანვას და ამ გზით ნაკვეთის გასუფთავებას, ჰაერში კვლავ დაფრინავენ შავი მჭვარტლები, იქნებ გააკეთოთ ამაზე კომენტარი?

- ნაკვეთების გასუფთავება გადანვის გზით წარმოადგენს ყოველად დაუშვებელ და მახინჯ პრაქტიკას. გარდა იმისა, რომ ამ პროცესის შედეგად იზრდება ემისიები, იფიტება ნიადაგი, ნადგურდება ბიომრავალფეროვნება, ასევე, არის შემთხვევები, როდესაც ხანძარი გადაედება ტყის ეკოსისტემას. გასულ წლებში გერმანიის საერთაშორისო განვითარების საზოგადოების (GIZ) მიერ განახლდა ასობით კილომეტრი ზოლი, რომელიც სწორედ „ნაკვეთების გადანვის

პრაქტიკამ“ შეინირა.

- მაინტერესებს ტყის კანონის განმარტება. ტყის კანონი გამოიგონეს მხოლოდ გლეხი კაცისთვის, რომელიც ურმით შეშას ეზიდება, თუ მათთვის, ვინც მრავალწლიან საუკეთესო ტყეებს სამასალედ ჩეხავს და საზღვარგარეთ გააქვს?

- ტყის კოდექსი, რომელსაც დღესაც ვიყენებთ, 1999 წელს შემუშავდა. ის წლების განმავლობაში სხვადასხვა გავლენიანი პიროვნების ნებას მოერგო, ძალიან დამახინჯებულია და მოკლედ რომ ვთქვათ, ვერ ქმნის იმ საფუძველს, რასაც თანამედროვე ტყის მართვა მოითხოვს. სწორედ აღნიშნულიდან გამომდინარე სამინისტრომ შეიმუშავა ახალი ტყის კოდექსის კანონპროექტი, რომელიც ალკვეთს ტყის გაგებას, როგორც მხოლოდ „შეშა“. იგი ეფუძნება საერთაშორისოდ აღიარებულ პრინციპებს; ტყეების გამოყენება მოხდება მათი ფუნქციური დანიშნულების მიხედვით. და რაც მთავარია, სატყეო სექტორი გადავა „სატყეო მეურნეობებზე“, რომელიც უზრუნველყოფს ტყეების ეკოლოგიურ, სოციალურ და ეკონომიკურ სარგებელს.

- ალბათ დაათვალთ ჩვენი მიწები, სადაც, ფაქტობრივად, ქარსაფარი ზოლები აღარ არსებობს. რას გვეტყვი ამასზე?

- ქარსაფარ ზოლებზე წლების განმავლობაში ვმუშაობდი და ჩემთვის აღნიშნული საკითხი ძალიან ნაცნობია. ცნობილია ასევე, თუ რა მდგომარეობაშია ქარსაფარი ზოლები და ის ფართობები, რომლებიც უკვე გაიჩეხა. გარემოსა და ბუნებრივი რესურსების დაცვისა და სოფლის მეურნეობის სამინისტროს გააჩნია გარკვეული ინიციატივები, მათ შორის კანონპროექტის მომზადება, სადაც გაინერება ქარსაფარ ზოლების მართვასთან დაკავშირებული კომპეტენციები. უახლოეს მომავალში აქტიურად დაიწყება ფართობების აღდგენის სამუშაოები.

- რომ არა ადამიანის ხელის მიერ მწვანე საფარისთვის სერიოზული საფრთხის შექმნა, ალბათ ყველაფერი კარგად იქნებოდა, სად უნდა გადიოდეს ზღვარი ადამიანსა და ბუნებას შორის იმისთვის, რომ დაცული იყოს ბალანსი და შევიწროვონ ბუნება ისეთი, როგორიც თავად სამყარომ მოგვცა?

- დაგეთანხმებით, რომ ადამიანის გარემოზე არასწორი ზეგავლენა და რესურსის ჭარბი მოხმარება მნიშვნელოვან ზიანს მოუტანს გარემოს, თუმცა ადამიანსა და ბუნებას შორის ურთიერთობა უნდა ემყარებოდეს შესაბამის სამეცნიერო კვლევებს, პროცესების მონიტორინგს, ნამოებული მონიტორინგის შედეგების შეფასებებს და გრძელვადიან დაგეგმვას.

ლალი მხერიშვილი

ემიგრანტის დიდგორი

კიდევ ერთი ახალი წიგნი დაბადა, შვილივით გვანდო და ლექსებად გაგვიზიარა. ამ წუთას მისი „ემიგრანტის დიდგორი“ ჩემს მაგიდაზე დევს. მივჩერებივარ კრებულის გარეკანის სიტყვებს და ვფიქრობ ერთადერთს, ამაზე უკეთესი და შესაფერი სიტყვა, „დიდგორი“, მართლაც რომ არ არსებობს შემოქმედი ქალისთვის, რომლის სული იტალიაში ქარიშხალივით ბობოქრობს, ზღვასადვით ნაპირებს ეხეთქება და იქიდანაც ერთადერთი სტიკვა, ანუხებს-სამშობლოს ბედი. იქიდანაც საქართველოზე დარდობს, საიდანაც უფრო ტკბილ-მწარეა, ნაღვერდლიანია სამშობლო სვე-ბედზე ფიქრი. მე ერთიანი საქართველო მინდაო, ამბობს ლექსებში და გული სამსხვერპლოზე მიუტანია. მხოლოდ ერთი ნატვრა გასჩრია მკერდში, - „ქართლში ქართველი ხარობდეს!“ იგი არის პოეტი ქალი, ქალი, რომელსაც „შემოადარცვეს იმედები და მისი ღიმილიც გაცვდა“, გულში კი დუღუნებს „ფუი, შენ, ჩემო სახედაკარგულო ერო და ვაიმე ჩემო ანმყოფ...“ პოეტი კრიტიკასაც არ ერიდება და სამშობლოში დაბრუნებული ეძებს დაკარგულ ზრდილობას, სილაღეს, მოკრძალებულ სალამს და სიყვარულს... ვერც ერთ ლექსს ვერ გამოვტოვებ, ვერც ერთს ვერ გამოვარჩევ, ყველა მათგანი იმ რეალობას ხელისგულზე გვისვამს, რაც ნაღვერდის ქართვლმა ქალმა და დედამ უნდა განიცადოს. ყველა დღევედ დელობაზე, დაცარიელებულ სოფლებზე, ჩარაზულ სახლებზე, ადამიანების შეცვლილ ხასიათზე, გაბოროტებულ სამყაროზე. ერთი სიტყვაც, ერთი სტრიქონიც არაა შორს ჩვენი ყოფითობისგან, რომელიც იტალიიდან უკეთესად შეუნიშნავს პოეტს,

ვიდრე აქ ჩვენ ვხედავთ და ვგრძნობთ. არცერთი ფრაზა არ სცილდება სინამდვილეს, თვით კრიტიკაც კი მისაღებია და ვერ უარყოფს მკითხველი. სწორედ ამიტომ მარინა ჭუმბურიძე რეალისტი პოეტი, რეალური ფერებით. მეტს აღარ გაევაგრძელებ, რადგან იმის ნახევრადაც ვერ გადმოცემ მარინა ჭუმბურიძეზე, ვიდრე მისი თანამემამულე პოეტი მარინე ცხვედიაშვილი წერს ავტორზე: - „ვინ იცის რამდენჯერ უოცნებია მუხრან ბატონის ჯავრი რომ სჭირდა, ერთი იმ კაცის ქვევრ-მარანი და პურის ბელელი პურ-ღვინით ამავსებინა, ყველა მშვიდი და უქონელი დამაპურებინაო,“ - ახლა ის სიკეთის ტყვეა. იტალიის მინას შეხიზნული, იმიტომ, რომ მოყვასს ყოფა შეუძლებელია, ებრძვის ცხოვრებას, სიმარტოვესა და მონატრებას. დადის უცხო ქვეყნის ფართო ქუჩებსა და სევდით მოკირწყლულ პროსპექტებზე და ყველა გზა მაინც მისი სოფლის ორღობეში ბოლოვდება. მავდრებელი თვალებით შესთხოვს ცასა და დედამინას, ქვასა და ბალახს, მტერსა თუ მოკეთეს-„გა-მიშვიტ, გა-მიშვიტო“, მაგრამ რაღაც უხილავი ხმა, თითქოს რომელიმე პაპების კატეგორიული უარყოფის აღმნიშვნელი სიტყვებით-„ნონ პოს-სუმუს“ - არ შეგვიძლია, არ შეგვიძლიაო, მოკვივის, აკავებს და ნინ ელოდება. სინამდვილეში, ეს სინდისის ხმაა, დიდი პასუხისმგებლობის ბოლომდე, პირნათლად შესრულებას რომ უკიფნებს.“-წერს პოეტი მარინა ცხვედიაშვილი პოეტი მარინა ჭუმბურიძეზე და ვფიქრობ, აქ ჩემგან რაიმეს დამატება ზედმეტია. იმისთვის, რომ უკეთ შეიგრძნოთ საკუთარი მინის სურნელს მონატრებული ქალის სულის ხვამიადი, და-

საჭაშნიკებად თავად განდობთ პოეტის ლექსებს.
ლალი მხერხვილი


დადაშვილი
-შენი ქათქათა სელები, დედი, რად და-გლაქია ჭორფლით?
-არაფერი! ეს ისე, შეილო, ალბათ ჯავით და ოფლით.
-შენს ნათელ შუბლზე ნაოჭებს, დედი, რად მოუქარგავთ ბადე?
-განვლილი წლები, ფიქრით ნახედნი, კალენდარივით მადგეს.
-გამლილი მხრები რკალად რად მივაქვს, სომ არ გაწუხებს, დედი?
-შენ შეაფე კარვად! არ გქონდეს, შეილო, სადარდებელი მეტი!
-გული მიკვდება, ასე ადრია თბილ-თოვლილს რომ გსედავ...
-მაგ შენი გულის ჭირიმე შეილო! შენ შემოგვვლოს დედა!
-თვალემშიდ სევა ჩაგბუდებია, უშეშ-ს ადგეს მუქი.
-სულ შენ გაჩუქე, ჩემო სიცოცხლე, რაც კი რამ მქონდა მუქი!
-რით შემიძლია გადავიხადო შენი ამაგი? მითხარ...
-მაგის თქმაც კმარა, დედის იმელო, დემტომა გაცოცხლოს დიდხანს!
მე დედის ვალი მომიხდია და შენ ამ სიკეთეს სედავ, მეტი სიმდიდრე, არც მინატრია, შენ შემოგვვლოს დედა!
მარინა ჭუმბურიძე
ტრისტი, 2015 წ. იანვარი.

ასი სიცოცხლე რომ მქონდეს, ასჯერ მომკვებოთ მარჯვენა ასი ლაზარი რომ დამკრან, ასე ზის ტანჯვა რომ მძაფვნა. ასჯერვე შენთვის მოგვკვდები, ვაზობ და გულში ვნატრულობ, არ დამიღმდე სიმდიდრე, მამა-პაპურა, ქართული! ჰოდა ეს ჩემი სიცოცხლე, გთხოვ, ინაცვალე ასჯერვე ერთ კენესას არ გაგაგონებ ჩემს ქართველობას განვენებ. მე რა, თუკი ქალი ვარ, -ქეთევან ქალი არ იყო? კრულ ვიყო, ჩემი სიცოცხლე, მე თუ შუაზე გავიყო. შენი ვარ! შენთვის მჭირდება, მე დარჩენილი სიცოცხლე, უფალო ჩემდა სანაცვლოდ, გთხოვ, საქართველო მიცოცხლე!

არკოზი
მე ვიცი, შენ რა გაწუხებს, შენი იარტ ვიცი, გვარზე რომ ვერ ასტუნავე შენი ნაქები კვიცი. შენი ტკივილი მტკივა და შენი კენესაც კი, მესმის. რადგან, გჩვევია ვე სითბო, ალერსი ჩემი ლექსის, მანდ არის ჩემი სამეფო, საფიცრად სულ შენ შეაფხარ, სოფელი, ერთ დროს ამაგი, ახლა ნასოფლარს ჰგავხარ. მტკივა ვაზი და ტყეები,

ყურადღება!
გვესაჭიროება მომვლელი მონსუტი ქალისათვის (არამნოლიარე მდგომარეობაში).
☎ 555 13 21 01

მარინა ჭუმბურიძე



ემიგრანტის დიდგორი

ულოცავთ!
ლია ხუსიანი-ალუიანი!
საყვარელო შვილო, ძვირფასო დედავ და ბებიავ, გილოცავთ დაბადების საიუბილეო თარიღს. დაუფერებელია, რომ უკვე 60 წლის გახდი, რადგან არც გარეგნულად, არც ფიზიკურად და გონებრივად შესაძლებლობებით არ გეტყობა, რომ მალე პენსიონერი იქნები. იყავი ბედნიერი მეუღლესთან და ჩვენთან ერთად. ჯანმრთელობა და მხნეობა არ მოგაკლოს უფალო. გკოცნით და გეფერებით:

შენი მშობლები: ლილი გომორიძე და ჯიმი ალუიანი-ლილი, **შვილები:** ირაკლი და მანა ხუსიანი-ალიანი, **შვილიშვილები:** ვახტანგ (ვატო), იონა, დემეტრე, ლიკა და ნინუა.

გიორგი დოლენჯაიანი!
ჩემო გიორგი, ჩემო პირველო სიხარულო, გილოცავ სტუდენტობას, ყველაზე ბედნიერ ხანას ადამიანის ცხოვრებაში! საამაყო, რომ ოცნება აისრულე და მიხანს მიღწეე. საქართველოს ტექნიკური უნივერსიტეტის მათემატიკურ ფაკულტეტზე 100%-იანი დაფინანსება ცოტას არ ნიშნავს. გისურვებთ, ასევე წარმატებით დაგესრულებინოს უმაღლესი განათლების მიღება. ყოველთვის გაგემართლებინოს ოჯახის იმედები ჩვენი ქვეყნის საკეთილდღეოდ.

შენი ბებია: მანანა მარტყოფლიძე

ამინდი		დედოფლისწყარო	
ორშაბათი 05.09 დღე 19°	სამშაბათი 06.09 ღამე 18°	ოთხშაბათი 07.09 დღე 21°	სუთშაბათი 08.09 ღამე 19°
პარასკევი 09.09 დღე 20°	შაბათი 10.09 ღამე 22°	კვირა 11.09 დღე 17°	14°

გამომცემელი შპს „შირაქი“
დირექტორი ინგა შილაშვილი
რედაქტორი ნიკა გორაშვილი-პოპიაშვილი
წერილი მიყვანილ ფაქტებს და ციფრებს პასუხს ავებს ავტორი.

სარედაქციო კოლეჯი: ლალი მხერხვილი, ილია მარტყოფლიძე (ყურნალისტები);
ელზა ხარაშილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზინა ძანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).
გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.

რედაქციის მისამართი:
ქალაქი დედოფლისწყარო, ფიროსმანის №18,
ტელ. 0 356 22 55-49;
598 72-18-72 (დირექტორი)
591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.